

POROFESO LE DITSO TSA LEFATSE



GOMPIENO ditshupo tsa metlha di re bolelela gore re eme fa losing lwa ditragalo tse di masisi tsa tshukatshukano. Go lebega lefatsheshe lotlthe e kete le mo tobekanong. Porofeso ya ga Jesu fa a bua ka ditragalo tsa pele fela ga go tla ga gagwe ga bobedi di dirafala gompieno re di lebile: **“Mme lo tla utlwelela dintwa, modumo wa dintwa.... Gonne morafe o tla tsogologela morafe... go tla nna meswele, le dithoromo tsa lefatsheshe mo mafelong mangwe le mangwe. Dilo tsotlhe tse, ke tshimologo ya bothoko jwa pelega”** (Mat 24:6-8). Dilo tsa gompieno le tsa isago di gapile maikutlo a batho bothle. Batho ba le bantsi ba lemoga gore sengwe se segolo se gape se leng bothokwa se tloga se dirafala; gore lefatsheshe le fa lotshitsching lwa tsiatsi e e fekeetsang. Dikgang tsa letsatsi le letsatsi di bega mathothapelole tse tshololomadi ya mefuta yotlhe. Jesu ka esi o porofetile gore ka moltha wa bofelo go tla nna **“pitlagano ya merafe...”** le **“batho ba idibadiwa ke poifo le tsebelelo ya dilo tse di tlang mo lefatsheng...”** Luke 21:25-26.

POROFESO E E GAKGAMATSANG YA MEBUSO E MEGOLO YA LEFATSHESHE

Mo Baebeleng, segolo bogolo mo dibukeng tsa Daniele (Dan) le Tshenolo (Tshe) ditragalo tse dintsi, tsa ditso (hesitori) le tse di dirafalang gompieno di porofitilwe ka bophepa. Go ithuta dibuka tse ka kelothoko go re thusa go bona maikaelelo a Modimo mo ditso tsa ditshaba. Go re thusa go tlhaloganya bokao ba nnete le maikaelelo a botshelo le leano la poloko ya motho ka Morwa Modimo Jesu Keresete.

Go feta dingwaga tse 2600 tse di fetileng, moporofeti Daniele o ne a bolelela pele ka go **tsoga** ga mebuso e megolo ya lefatsheshe, e bong **Babilone, Media-Peresia, Gerika, Roma le Yuropa** ya gompieno. Daniele o ne a lora setshwantsho se segolo se dikarolo tsa mmele wa sone di supang tatelano e e nepagetseng ya mebuso e megolo eo ya lefatsheshe: **“Tlhogo ya sone e ne e le gouta e e itshekileng, sehuba sa sone le mabogo a sone e ne e le selefera, mpa ya sone le dirope tsa sone e ne e le kgotlho; memo ya sone e ne e le tshipi, dinao tsa sone, ntlha nngwe e ne e le tshipi ntlha nngwe e le letsopa.”** (Dan 2:32-22). Mebuso e megolo eo ya lefatsheshe le dipharologantsho tsa yone di ne tsa senolelwa moporofeti, gape go dirisiwa ditshedi. **“Ditshedi tse ditona tseo tse nne, ke dikgosi di le nne tse di tla tsogang mo lefatsheng.”** (Daniel 7:17) jaaka **“...diphefo tse nne tsa legodimo di hudua lewatle le legolo”** (Dan.7:2). Tshe. 17:15 e tlhalosa gore **“metsi”** a emetse **“ditshaba, boidiidi jwa batho, le merafe le dipuo”**, fa **“diphefo”** di supa dintwa (Jeremiah 4:11-16). Diphefo tse nne tsa legodimo tse di neng di foka mo godimo ga lewatle le legolo di emetse phenyo e e boitshegang e mmebuso eno e boneng bogosi ka yone.

NONOFO YA LEFATSHESHE E E FAPHEGILENG

MOPOROFETI a bona mmuso o mongwe o tsoga kwa Yuropa: **“Ya re ke ela dinaka tseo thoko, ka bona lonaka lo longwe lo lonnye lo tlhoga mo gare ga tsone.”** (Dan.7:8). Mmuso o ne o na le matshwao a a latelana a a o kayang:

1. O TSOGA MO DINAKENG TSE SOME (Dan.7:8) Mmuso wa ga Mopapa kgotsa Bopapa (508 AD) e ne e le **“lonakanyana”**, lo lo duleng mo merafeng ya BaGermanic.

2. O KUMOLA DINAKA TSE THARO (Dan. 7:8) BaHeruli, BaVandal le BaOstrogoth ba ne ba ganetsana le mmuso wa **“lonakanyana”** lo, mme ba **“kumulwa ka medi”**—ka mantswa a mangwe, ba nyeleliwa gotlhelele.

3. O FAROLOGANE MO DINAKENG TSE DINGWE (Dan.7:24) Mmuso wa ga Mopapa o ne o le pharologano. O ne o bopilwe ka kopano ya kekere le puso (goromente), foo Kereke e nang le maatla a magolo.

4. O NONOFILE GO GAISA DINAKA TSE DINGWE (Dan.7:20) Nnete ke gore, mmuso wa Bopapa o godile ka bofelo go nna mmuso o mogolo wa lefatsheshe. Ka **“Metha ya Lefifi”**, batho ba ne ba bolaelwa gore ba amogele tumelo ya Sekatoliki (ke gore Crusades). Makgokokologo a dingwaga le dikgosi le babusi ba Yuropa ba ne bapateleliwa go ineela ka boikokobetso mo ditshwetsong tsa ga Mopapa.

5. O A IKGANTSHA E BILE O TLHAPATSA MODIMO (Dan.7:25)

“E tla tsogela e emalana le Kgosana ya dikgosana” (Dan. 8:25). Ke ene **“morwa tatlhego; e bong yo o ikgantshang, a ikgodisa, a tlabana le gotlho mo go bidiwang Modimo, kgotsa mo go oamabelwang a be a tle a dule mo tempeleng ya Modimo, a ikaye gore ke ene Modimo.”** (2 Bathesalonika 2:3-4). Ditemana tsotlhe ka boraro di tlhalosa mmuso o o ipolelang gore ke wa Sekeresete, mme o na le thaloganyo e e kgathanong le Keresete. Nopolo e e latelang e supa ka boammaaruri gore Bopapa bo thlapatsa Modimo ka selekano se se kae. **“Mo lefatsheng re nthe mo maemong a Modimo Mothatiyotlho”** (Encyc. Pope Leo XIII, 6-20-1894). Go bitsa Mopapa ka leina la **“Rara yo o Boitshupo”** ke go thlapatsa Modimo. Jesu ka sebele o thlagisa mo go Mathaio 23:9 **“Lo se ka lwa bitsa ope rraeno mo lefatsheng; gonne Rraeno o mongwe fela yo o kwa legodimong.”** Le mororo go na le mafoko a a phepa ao mo Baebeleng, Bomopapa ba le bantsi mo makgolong a dingwaga ba ipolelwe fa ba se na phoso gotlhelele, se e leng seemo se Modimo fela O ka ipitsang ka sone. (Tshe. 15:4), ba bo ba ipolela gore ba na le bokgoni ba go itshwara maleo, mo e leng thata ya Modimo O le Osi (Luke 5:21).

6. O BOGISA BAITSHIPEI BA MOGODIMODIMO (Dan.7:25) Dintwa tse di thabantsang Bakeresete (Crusades) ditshesiko, tsa bagenetsi ba sekatoliki, diphaposi tsa go bogisa batho tsa thloithomiso le go tshubiwa ga bagenetsi ba Sekatoliki ke kgaolo e e itsweng e e lefifi ya Bopapa. Mokwadi wa ditso (hesitori) W.H. Lecky a re: **“Ntsha ya gore Kereke ya Roma e tsholotse madi a a senang molato go gaisa puso epe e e kileng ya nne teng mo lefatsheng, ke selo se se ka**

BABILONE

Tlhogo ya gouta le tau (letshwao le le tswalesegi-leng la Babilone) le emetse **Mmuso wa lefatsheshe wa Babilone (608-538 BC)**. Diphuka tsa ntswi yo motona di tlhalosa bofelo jo Nebukatenesare a fentseng ka jone.



Dan. 7:4 Setshedi sa ntsha se ne se tshwana le tau, mme sa bo se na le diphuka tsa ntswi yo motona.

MEDIA-PERSIA

Ka ngwaga wa 538 BC, mmuso o o pataganeng wa **Bameda le Baperesia** o ne wa thlongwa. Dikgopo tse tharo mo molomong wa bera di emetse dinaga tsa Lidia, Babilone, le Egepeto. Baperesia ba ne ba nonofile go gaisa Bameda mme ba laola **bolelejana** (Ela thoko: se ne se tsholetsigile lothakore)



Dan. 7:5 Setshedi sa bobedi, se tshwana le bera, mme sa bo se tsholetsigile lothakore lo longwe.

GERIKA

Diphenyo tsa bofelo (tse di emetsweng ke diphuka tse nne) ka fa tlase ga puso ya ga Alexander yo Mogolo didirile **Gerika** go nna Mmuso o mogolo wa lefatsheshe (331BC). Morago ga loso lwa ga Alexander Mmuso o ne wa kgaoganngwa ka dikarolo tse 4 ke balaala mephato ba gagwe ba bane. Thrace, Siria, Makedonia le Egepeto (Ela thoko ditlhog tse nne).



Dan. 7:6 ...se sengwe se tshwana le nkwe, se na le diphuka di le nne tsa nnyane mo mokwatleng wa sone.

MMUSO WAROMA

Ka ngwaga wa 168 BC, **Baroma** ba ne ba thoma mmuso o mogolo wa lefatsheshe wa bone. Ka ntsha ya bosetlhog le bothokaitshoko jo ka bone ba fentseng ditshaba tse dingwe, mmuso o o ne wa itsewe jaaka **“Mmuso wa Tshipi”** (Ela tlhoko memo ya tshipi le meno a tshipi a setshedi).



Dan. 7:7 Setshedi sa bone se ne se tshabega, se boifisa, se le setlhog thata, se na le meno a magolo a tshipi; sa ja, sa thafuna, sa gataka tse di setseng ka maroo... sa bo se na le dinaka di le some.

YUROPA

Ka ntsha ya **khuduga ya boidiidi jwa batho (351-476AD)**, Mmuso wa Roma o ne wa kgaoganngwa go nna mebuso e 10 ya Yuropa e mentye (Ela tlhoko dinaka tse 10 le menwana ya maoto e some). Dinaka tse di kgaoganeng le go sa ngaparelanteng fela jaaka go thakanya tshipi le mmopa ga menwana ya maoto e 10 go emetse go sa kgonegeng go nna le Yuropa e e kopaneng e e tla nnelang ruri.



Dan. 7:24 Dinaka tse some ke dikgosi di le some tse di tla tsogang mo bogosing jo.

se ganediweng ke motho ope yo o nang le kitso e e tletseng ya ditso/hesitori. Ga go kgonege go tlhologanya ka botlalo ka boidiidi jwa babolawa ba yone (batho ba ka nna 50, 000, 000) le gone go a tlhomasisa gore ga go na dikakanyo dipe tse di ka tlhologanyang ka botlalo pogo ya bone." *Rationalism in Europe, Vol. 2, page 32*)

7. OIKAELELA GO FETOLA METLHA LE MOLAO (Dan. 7:25)

Tsamaiso ya Bopapa e lekile go fetola molao wa Modimo. E tlosetse taolo ya bobedi mo **Katakasimeng ya Katoliki**. Taolo ya bobedi e ifsa go obamela ditshwantsho tsa disetwa. Taolo ya Modimo ya bone, e e re laolang gore re tshetse letsatsi le Sabata wa Baebele (Sateretaga), le le boitshepo e ne ya fetolwa go nna go tshetse Sontaga, tiwaelo e e tlhologileng mo ko-

bamelong ya seheifane ya go obamela Letsatsi. Mo boemong ba letsatsi la bosupa la Sabata go ya ka fa taolong (Ekesodo 20:8-11; Isaiah 56:2-7), kobamo ya Sontaga e ne ya simololwa, e e leng letsatsi la boikhuso le e seng la Baebele. Modimo ga O ise O laole gore letsatsi la nthla le dirisiwe jaaka letsatsi la komabo le gone Jesu kgotsa Baaposetole ba Gagwe ga ba ise ba tshetse Sontaga (Luke 4:16; Mat. 24:20; Ditiro 13:42-44).

8. O BUSA KA MOTLHA, METLHA LE BONTLHA BONGWE BA MOTLHA (Dan.7:25)

Mo tekanyong ya Baebele ya nako, lefoko "motlha" (sebaka) le emetse ngwaga e le nngwe ya malatsi a le 360. Ka tsela e e tshwanang metlha e 3½ = dingwaga tse 3½ = malatsi a a 1260. Letsatsi la profeso le emetse ngwaga ya mmanete

(Esekiele 4:6; Dipalo 14:34). Ka jalo "lonaka lo lonnye" lo tla busa dingwaga tse 1260. Motlha wa paka eo o simolotse ka taolo ya ga Justinian (Kereke ya Roma e ne ya fiwa dinonofo tsa seruti ke Mmuso) gape le ka go fengwaga ga bofelo ga Mmuso wa Gothic Bothaba ka ngwaga wa 538 AD. Mmuso wa kereke ya Roma o wetsa ka 1798 ga go thopiwa Mopapa Pius VI le taolo ya gore Roma e nne Repaboliki e e filweng ke seeso sa Mafora se se seng se laolwa ke Napoleon.



NAKO YA KATLHOLO

"MME TSheko E TLA DULA..." (Dan. 7:26). Daniele a **"leba ga tsamaya ga bewa ditulo tsa bogosi mme ga dula mongwe yo o mogologoloba le dikete ga sekete ba mo direla; ba le dikete di le masome ga dikete di le some ba ne ba eme fa pele ga gagwe. Lekgotla la nna fatshe mme dikwalo tsa phuthololwa."** (Dan 7:9-10) Ke ka jaana mo moporofeti a neng a bontshiwa mo ponatshelolong letsatsi le legole lo le masisi le semelo (boleng jwa bitshwaro) sa botshelo jwa mongwe le mongwe se tla sekasekiwang fa pele ga Moathodi wa lefatshe lothe.


Ya re, **"dikwalo tsa phuthololwa"**. Moporofeti Johane o tlhalosetsa pele a re, **"Lokwalo lo longwe lwa menololwa, lo e leng lokwalo lwa botshelo; mme baswi ba atholwa ka dilo tse di kwadilweng mo dikwalong"** (Tshe. 20:12). Dikwalo tsa pego (ditiragalo), tse mo go tsona maina (Luke 10:20) le ditiro (Mathaio 12:36-37) tsa batho di kwadilweng, di tla laola tshwetso ya katlholo. Maikaelelo otlhe le tlhohleletso di bonala mo mokwalong o o sa foseng, ka gone Modimo O tla senola dilo tsotlhe tsa lefifi, mme O tla **"senola maikaelelo a pelo"** (1 Bakorinthe 4:5). Mme O tla **"isa tiro nngwe le nngwe mo tshetse, le sengwe le sengwe se se subegileng, le fa se le molemo kgotsa se le bosula"** (Moreri 12:14).

Jaaka dikwalo tsa pego (ditiragalo) di phuthololwa mo katlholong, matshelo a botlhe ba ba ipoletseng gore ba dumela mo Modimong a tla sekasekwa. **"Gonne ke lobaka lwa gore tshetse e simolole mo ntlong ya Modimo; mme fa e simolola pele mo go rona, ana bofelelo jwa ba ba sa utlweng lefoko la Modimo e tla nna eng?"** (1 Petere 4:17). Keresete O simolola tshetshetso ka ba ba tshetsheng pele mo lefatsheng. Jaanong go bo go latela tshetshetso ya dikgetsi tsa dikomana tsotlhe ka go latelana ga tsona, mme O wetsa ka katlholo ya batho ba ba tshelang. Maina otlhe a tla buiwa, dikgetsi tsotlhe di tla sekasekiwa ka kelotlhoko. Maina a tla amogelwa, maina a tla ganwa. Molao wa Modimo ke tekanyo e ka yone boleng jwa mekgwa ya batho bo tla lekannngwang ka sone mo katlholong. Baebele ya re: **"Lo bue lo bo dire, jaaka batho ba ba tla atholwang ka molao wa molao [melao e 10] wa kgoolego."** (Jakobe 2:12).

Fa bangwe ba santse ba na le bolelo jo bo setseng mo dikwalong tsa pego/ditiragalo, jo bo sa ikothaelwang kgotsa bo sa itshwarelwa, maina a bone a tla phimolwa mo Lokwalong lwa Botshelo. Jehofa a re: **"Le fa e le mang yo o nteofetseng, ke ene Ke tla mo phimolang mo lokwalong lwa Me"** (Ekesodo 32:33). Botlhe ba ba ikotlhaetseng bolelo ka boammaaruri (Diane 28:13) mme ka tumelo ba itseetse madi a ga Keresete jaaka setlhabelo sa bone se se letlanyang (Ditiro 16:30-31) ba bona boitshwarelo jo bo kwalwang go bapa le maina a bone mo dikwalong tsa legodimo. Ka gore ba nniile le kabelano ya tshiamo ya ga Keresete (1 Johane 2:29) le semelo sa bone se fitlhelwa se tsamaelana le molao wa Modimo, maleo a bone a tla phimolwa mme ba tla tswa ba na le tshwanelo ya botshelo jo bo sa khutleng. Jehofa o bua jaana ka moporofeti Isaia: **"Ke Nna, e leng Nna, yo Ke phimolang ditlolo tsa gago ka nthla ya Me; le maleo a gago ga nkitle Ke a gakologelwa."** (Isaia 43: 25). Ba ke bone ba ba tla nngang le karolo mo tsogong ya basiami, ka gone dikwalo tse di boitshepo tsa re: **"Mme ba tla tswa; ba ba dirileng molemo ba tswete tsogolong ya botshelo..."** (Johane 5:29; 1 Bathesalonika 4:14-16). Jesu ka moporofeti Johane o rile: **"Yo o fenyang o tla apesiwa jalo diaparo tse ditshweu; mme ga nkitle ke phimola**

leina la gagwe gope mo lokwalong lwa botshelo, ke tla ipolela leina la gagwe fa pele ga Rre le fa pele ga Baengele ba Gagwe" (Tshe. 3:5). Go rapelela batho ga ga Keresete fa pele ga setilo sa bogosi sa ga Rara kwa legodimong (Bahebera 8:1) go bothokwa mo leangon la poloko fela jaaka loso lwa gagwe mo mokgorong. (Bahebera 9:24). Jesu o butse tsela ya go ya kwa setilong sa bogosi sa ga Rara, mme ka tsereganyo ya gagwe dikeletso tsa boammaaruri tsa botlhe ba ba tlang kwa go ene ka tumelo di bewa fa pele ga Modimo. **"Ke gone rona, a re atameleng setulo sa bogosi sa tshetsefatsa ka bothokapoifo, gore re bone tshetsefatsa e e tla re thusang mo motlheng o go tlhokwang ka one."** (Bahebera 4:16). Jesu o a re rapelela ka nthla ya diatla tsa wa gagwe tse di dintho le mmele o o matsanko, mme o raya botlhe ba ba tla mo salang morago a re: **"Tshetsefatsa ya me e go lekanye"** (2 Bakorinthe 12:9). **"Ipeleseng jokwe ya me [Melao e e 10] lo ithute ga me; gonne ke bonolo le boingotlo mo pelong, mme lo tla bonela mewa ya lona tapologo. Gonne jokwe ya me e bonolo, le morwalo wa me o motlhofo"** (Mathaio 11:29-30).

Fa segakolodi sa rona se tsoiwa ke Mowa o o Boitshepo, re lemoga nonofo, molato, le matlhoko a bolelo, mme re a bo ila. Re tla lemoga gore bolelo bo re kgaoganitse le Modimo, le gore re maggoba a yo o boikepo. Fa re kgarathela pele go tshaba sebe ke gone re tla lemogelang pele go thoka bokgoni jwa rona jwa go falola. Maikaelelo a rona le dipelo tsa rona di leswafetse. Re lemoga gore botshelo jwa rona bo tsetse bobelotshetlha le bolelo, re simolola go eletsa boitshwarelo, boitshetso le kgoolesego. Re ka dirang gore re nne le kagiso le Modimo? Re thoka go nna le tshetso, boitshwarelo jwa legodimo, kagiso le lorato mo dipelong tsa rona. Madi, maatla le bothale ga di ka ke tsa reka dilo tse, le fa gontse jalo Modimo O di aba e le neo e e sa rekiwang ya tshetsefatsa **"go sa lopiwe madi go se na tuelo"** (Isaia 55:1) Ke tsa rona fa re ka otlolola diatla go di itseela. Ka jalo Jehofa O rile: **"le fa dibe tsa lona di hubitse bohobidu jo bo lethololo, di tla nna ditshweu jaaka kapoko"** (Isaia 1:18) **"Le gone ke tla lo naya pelo e ntsha, ke tla tsenya mowa o moša mo teng ga lona."** (Esekiele 36:26). Re boletse maleo a rona, e bile re ikemise ditse go simolola botshelo jo boša le Modimo. Jaanong re ka tla kwa go One mme ra O kopa go phimola dibe tsa rona le go re fa pelo e ntsha. **"Fa re ipolela dibe tsa rona, One O boikanggo le tshiamo ya go re itshwarela dibe tsa rona le go re tlhapiso mo tshiamololong yotlhe."** **"Yo o bipang ditlolo tsa gagwe ga a kitla a tlhagonolofala, mme yo o di ipolelang a ba a di bakela, o tla bona bouthelobotlhoko"** (1 Johane 1:9; Diane 28:13). Re ka tlhomasisa gore O tla go dira ka gone O go solofeditse. Se ke se Keresete a se rutileng fa a sale mo lefatsheng, gore neo e e solofeditsweng ke Modimo e nna ya rona fa re sena go e amogela ka tumelo. Ga re kgone go itelanyetsa maleo a rona a a fetileng, le go fetola dipelo tsa rona le gone ga re kgone go bona poloko ka maiteko a rona a sebele. (Jeremia 13:23; Baefeso 2:8). Mme Modimo O solofetsa gore O tla re direla dilo tse ka Keresete. Re tshwanetse go dumela tsholofetso; go ipolela maleo a rona, go ineela mo Modimong le go O direla, Fa re dira jalo, O tla diragatsa tsholofetso ya One mo go rona. Jesu O tla nna Mmueleli wa gago mme O tla go rapelela. **"Mme fa mongwe a leofa, re na le Mmueleli mo go Rara, e bong Jesu Keresete Yo o tshiamo. Ene Yoo ke thuanayo ya maleo a rona, mme eseng ya maleo a rona fela, mme e bile ke ya maleo a lefatshe lotlhe"** (1 Johane 2:1-2).



MOLAETSA WA BOFELO WA KUTLWELOBOTLHOKO



Dan. 2:34 ... lefika... itaya setshwantsho seo mo dianong... la di phatlakanya

MOPOROFETI Daniele o ne a bona gore ka nako e batho ba tla leakang go kopanya Ditshaba tsa Yuroa le nako e lefatshe le tla nngang le dipetso tse di oketsegileng le dintwa, lefika le legole lo tla itaya dinao tsa setshwantsho mme le tla se phatlakanya ka botlalo. Lefika le le emetse **Go tla ga ga Jesu Keresete** (Dan. 2:34-35, 44; Pesalema 18:32). Keresete O tla tla gape ka bonako mo marung a legodimo ka baengele ba Gagwe, mme O tla bonwa ke batho botlhe (Tshe. 1:7). Gore batho ba tle ba baakanyediwe tsa go rapela e, le gore ba tle ba kgone go ema mo katlholong, Modimo O tlhagisa batho ka molaetsa wa bofelo wa kutlwelebotlhoko o o fitlhelwang mo *Tshenolo* 14:6-12.



MOLAETSA WA MOENGELE WA NTLHA

MOLAETSA WA MOENGELE WA BOBEDI

MOLAETSA WA MOENGELE WA BORARO

SA NTLHA – “BOIFANG MODIMO, lo O neye kgalalelo; gone nako ya katholo ya One e tsile, lo obamele One O O dirileng legodimo le lefatshe, le lewatle, le metswedi ya metsi.”

Molaetsa wa monegele wa ntlha o re gwetlha go itse gore katholo e tswelsetse pele gone jaanong kwa legodimong, ka gone nako ya jaanong, (ke gore morago ga 1798 le pele ga go boa ga ga Keresete) e thulana le paka e mo go yone go nang le katshalo. Godimo ga moo, batho ba balediwa go obamela Modimo, Motlhodi wa legodimo le lefatshe. Mme le ntswa go dirwa pitso e, batho ba le bantsi ba santse ba dumela thuto



e e sa supiwang gore ke ya nnete ya gore batho ba “runtswe” fela ba sa bopiwa ke Modimo. Modimo O letlelela motho go itse gore bontle le tsamaiso e e gagamatsang ya melao ya thoholego di thlodilwe ke One mme ga di a “runya” ka kotsi. (Bona Baroma 1:20-21). O gakolola motho gore Modimo ke monei wa dineo tsothle mme O tshwanetswe ke lorato le kobamelo ya rona. Lorato lwa boammaaruri le kobamelo di raya gore go tshagediwe molao wa One [Melao e e 10 e e mo go Ekesodo 20:1-17] “Gonne lo ke lone lorato lwa Modimo, gore re boloke ditaolo tsa One” le “Yo o ithibang ditsebe gore a se ka a utlwa molao, thapelo ya gagwe le yone ke maila” (1 Johane 5:3; Diane 28:9). Go naya Modimo kgalalelo go raya go supatshwano ya boleng jwa mekgwa (semelo) ya One mo mekgweng ya botho ba rona. Semelo kgotsa popego ya Modimo e senoletswe motho mo molaong wa One.

SEKANO (LOTSHWAO) SA MODIMO

Molao wa bone wa melao e some o supa Modimo sentle jaaka motlhodi: “Gakologelwa letsatsi la Sabata go le itshepisa... Gonne Jehofa O dirile legodimo le lefatshe le lewatle le tsothle tse di mo go lone, ka malatsi a le marataro, mme A ikhutsa ka letsatsi la bosupa; Ke gone ka moo Jehofa O ne a segofatsa letsatsi la bosupa, a le itshepisa” (Ekesodo 20:8-11). Taolo e ke yone yosi mo go tse di some e e fang *Leina, Maemo* le lefelo le le busiwang ka taolo ya monei wa molao. Jalo molao o, o na le “Sekano sa Modimo”.

Sabata o diretswe batho ba metlha yothle ka gore o thhomilwe kwa Tlholong ya lefatshe (Genesis 2:1-3). Letsatsi le le tshwanetse go re gopotsa gangwe le gape go akanya ka Motlhodi wa rona ka ditebogo le ka tshisibalo.

“Gakologelwa letsatsi la Sabata go le itshepisa”. Go tshagedisa letsatsi la Sabata ke Sesupo sa boikanyego mo Modimong wa boammaaruri. “Gape ka ba naya BoSabata ba Me, go nna sesupo fa gare ga Me nabo, gore ba itse fa Ke le Jehofa yo Ke ba itshepisang” (Esekiele 20:12, 20; Isaia 56:2; Ekesodo 31:13-17).

E sale mo tshimologong ya lefatshe Sabata, letsatsi la bosupa la beke e ntse e le Sateretaga. Jesu ka sebele o tlhalosa bosafetogeng ba Melao e Some: “Lo se ka lwa ithoma gore ke tsile go senya molao le fa e le baporofeti; ga ke a tla go senya, fa e se go tshomamisana fela. Gonne ammaaruri ke a lo raya: Go tlamaya legodimo le feta le lefatshe, ga go kitla go feta tlhasenyana epe, le fa e le lonakanyana lope fela mo molaong, dilo tsothle di tle di tsamaye di dirafale pele.” (Mathaio 5:17-18)

SA BOBEDI—“BABILONE YO MOGOLO O OLE, o ole, o o dirileng gore merafe yothle e nosiwe bojalwa jwa bogale jo bo tsoisitweng ke kgokafalo ya gagwe” (Tshe. 14:8).

Lefoko “Babilone” le tswa mo go “Babel” mme le raya *tobekano*, Le dirisiwa mo dikwalong tse di boitshepo go kaya *mefuta e e farologaneng ya bodumedim jo e seng jone kgotsa jo bo latlileng nnete*.

Mo go Tshenolo 17:4-6 Babilone e kaiwa e le mosadi wa seaka. Mo Baebeleng, mosadi yo o boikepo ke setshwantsho sa kereke (phuthego) e e kgelogileng mo tumelong ya nnete (*Jeremia 3:20; Esekiele 16:35*). Mosadi o wa Seaka wa Tshenolo 17 o “apere bohobidu jo bo mokgona, le bohobidu jo bo lethlolole, a kgabisitswe ka gauta le majana a a thokegang le diperela, a tshotse mo seatleng senwelo sa gauta se se tletseng tse di makgapha, e bong dilo tse di maswe... Mo phatleng ya gagwe ga kwadiilwe leina go tse: “Boteng, Babilone o mogolo, mma-diaka” (temana 4-5). Moporofeti a re: “Ka bona mosadi fa a tagilwe ke madi a baitshepi le madi a basupi ba ga Jesu” (temana 6). Babilone o tswelela go tlhalosiwa e le “motse o mogolo (o o dutseng mo dithabeng tse supa, temana 9) o busang dikgosi tsa lefatshe” (Tshenolo 17:18).



BABILONE YO O SA ITSEWENG

Mmuso o o tlhalosiwang fa ke Roma ya Bopapa, motse wa dithaba tse supa. Bohobidu jo bo mokgona le jo bo lethlolole ke mebala e e emetseng Baruti ba Bakhadinale le babisopo. Gouta, majana a a thokegang le diperela di supa khumo e ntsi ya kereke ya ga Mopapa. Ga go na mmuso ope o ka one go ka tweng o ne o “tagilwe ka madi a baitshepi” jaaka go builwe ka kereke e, e e bogisitseng balatedi ba ga Keresete ka tselo e e setlhogo (bona ditsebe tsa 1 le 2). Sebe le molato o mogolo wa Babilone ke gore “batho ba lefatshe ba ne ba tagilwe ke bojalwa jwa kgokagalo ya gagwe”. Senwelo se se gagamatsang se se nayang lefatshe se emetse dithuto tse e seng tsona (tsa maaka), tse di jaaka mmisa, mowa o o sa sweng, molelo wa dihele wa bosakhutleng, go rapela Legkarejwana Maria le go itshepisa Sontaga. O fa lefatshe le dikereke dithuto tse le tse dingwe tse di fapogileng mo Baebeleng, le thlotlheletso ya tsona e e tshenyu.

Tlhagiso ya jaanong, “Babilone o ole” e raya ditlhopha tsothle tsa bodumedim tse di kileng tsa bo di itshetlele mme jaanong di bodile. Ga e ka ke ya raya Kereke ya Roma e le esi, ka gone kereke eo e ntile mo seemong sa go wa ka dingwaga tse di makgolo a mantsi. Babilone ga tse ke “mma-diaka”.

Barwadie ke dikereke tse di ngaparetseng dithuto tsa gagwe (go fa sekao, go itshepisa Sontaga) mme di setse morago sekao sa gagwe. Ka jalo go ka siama go dirisa lefoko Babilone (tobekano) go raya dikereke tse. Le ntswa go na le lefifi la semowa le go kgaogana le Modimo mo dikerekeng tse, bontsi jwa balatedi ba nnete ba ga Keresete ba santse ba le mo go tsona. Bana botlhe ba Modimo ba ba sa ntseng ba fitlhelwa mo Babilone ba tla sekegela tsebe pitso ya moengele e e reng: “Babilone o ole” le “Tswang mo go ene, batho ba me”, mme phelelong ba tla tswa mo dikerekeng tse di kgelogileng mo tumelong.

SA BORARO—“Fa motho le fa e le mang a obamela sebatana le setshwantsho sa sone, a iteseletsa go tshwaiwa mo phatleng kgotsa mo seatleng, le ene o tla nwa bojalwa jwa bogale jwa Modimo...” (Tshe. 14:9-10).

Gore go tle go tlhlogangwe molaetsa o, re tshwanete go rarabolola dikao tse di dirisitsweng.

SEBATANA

Sebatana se se go buiwang ka sone fa se tshaisitswe mo go Tshenolo 13:1-10 jaaka “se se tshwanang le nkwe”. Tshwantshanyo ya “sebatana” se le “lonka lo lonnye” lwa Daniele 7 (bona tsebe 1-2) e supa sentle gore re bua ka nnofo/mmuso o le mongwe, e bong Bopapa.



Fela jaaka “lonka lo lonnye”, “sebatana” le sone se emetse mmuso o o thapatsang Modimo (Tshe. 13:6) o o bogisang Bakeresete (Tshe. 13:7) mme o gola go tswa mo mmusong wa Roma wa seheitene (Tshe. 13:2), o busa dingwaga tse di 1260 (Tshe. 13:5). Morago ga paka e o ne a tshwanetse go amogiwa thata ya gagwe ka “ntho ya loso” (Tshe. 13:3, 10; bona tsebe ya 2 ka fa tlase ga ntlha ya # 8).

Mme “ntho ya loso” e, e ne e tla fola (Tshe. 13:3).

Go fola mo ga Bopapa go simologile ka ngwaga wa 1929 fa go saeniwa ditumalano tsa Lateran. Ka nako eo Vatican (mošate wa kereke ya Katoliki) e ne ya amogela dithoto, ketleetso e e lebele ya madi, le ditshwanelo tsothle tsa boemedi jwa dinaga tse di fiwang lefatshe le le ipusang. Ka ntlha ya ditiriso tsa yone tsa boditshabatshaba le khumo ya madi, Vatican e ntile le maatla a magolo le thlotlheletso mo lefatsheng ka bophara. “Ntho ya loso” e a fodiwa.



Pele re ka leba “setshwantsho sa sebatana” le “lotohswao” lwa sone, re tshwaetse ra ela thoko “mmuso kgotsa nonofo” e nngwe ya sebatana e e tlhalosiwang mo go Tshenolo 13.

SEBATANA SA BOBEDI

Moporofeti a “bona sebatana se sengwe se tlhatloga mo lefatsheng; sa bo se na le dinaka di le pedi jaaka kwana...” (Tshe. 13:11)

Fa sebatana sa pele se ne se tswa mo “lewatleng” la “merafe le dipuo” (Tshe. 17:15), sebatana se sone se ne se “tlhatloga mo lefatsheng”. Mo boemong jwa go fenywa mebuso e mengwe gore o ithome, mmuso o kaiwang fano o tshwanetse go gola ka iketlo le ka kagiso.

Ka jalo ga o ka ke wa gola fa gare ga ditshaba tse di kgarathang di kgothagane tsa Yuropa. O tshwanetse go batlelwa kwa khontinenteng ya bophiriimatsatsi. Go na le tshaba



e le nngwe fela e e godileng ka nako e le nngwe le go wa mo tlotlomalong ga mmuso wa Bopapa ka 1798 – porofeso e e supa **United States of America** ka tlhamalalo.

Dinaka tse e keteng tsa kwana di ne di supa boša,

bothokamolato, le bonolo, tse di neng di tihalosa sentle semelo (boleng ba mekgwa ya boitshwano) sa USA. **Kgololesego ya sedumedi le ya baagi** ("dinaka" tse pedi) e ne e le motheo wa USA. Bakeresete ba Mayuroba ba ba neng ba bogisiwa ke mmuso wa ga Mopapa, ba ne ba tshabela kwa "lefats'heng le leša", Amerika, ka diketekete. E ne e le tsalo ya USA. Mme sebatana se se "dinaka tse di tshwanang le tsa kwana" sa "bua jaaka kgogela" mme se "dira ka taolo ya sebatana sa pele (Bopapa) mo ponong ya sone, se patelela lefatshe le ba ba agileng mo go lone, go obamela sebatana sa pele...se reye ba ba agileng mo lefats'heng se re ba direle sebatana setshwantsho..." (Tshe. 13:11-14)

Dinaka tse e keteng tsa kwana, le lentsewa le kgogela, di supa pharologano fa gare ga puo le ditiro tsa mmuso o o supiwang fa. Go "bua" ga mmuso ke tiro ya Bathati ba peomolao le Boathodi. Ka tiro e, USA e tla ganetsana le ditheo tse di gololesegileng le tse di leng kagiso tse e di ipelleng pele go nna motheo wa tsamaiso ya yone.



Polelelopele ya gore se tla "bua jaaka kgogela" le go "dira ka taolo ya sebatana sa pele" e bolelelopele gore go tla tsoga mowa wa go thoka go itshokela

batho le go ba bogisa (Tshe. 12:13, 17) mo go dirilweng ke sebatana sa pele (Mopapa). Fa go tse mmuso o o: "patelela lefatshe le ba ba agileng mo go lone, go obamela sebatana sa pele" go supiwang gore taolo ya tšhaba ya USA e tla diragadiwa ka go patelela batho go nna kutlo, mme se se tla naya Bopapa tlotlo. Gompieno re bona ka fa USA le Vatican, di dirang mmogo ka teng gore di nonotshe thothotheletso ya tsone.

SETSHWANTSHO SA SEBATANA

Fa kereke ya pele e ne e tlogela mafoko a a molemo (Efangele) a a motlhofo mme e amogela ditirelo le dingwao tsa shehitegne, e ne ya senyega mme ya lathegelwa ke mowa le nonofo ya Modimo. Gore kereke e laole segakolodi sa batho, e ne ya mema keteletso ya mebuso ya lefatshe. **Phelelo e ntile Bopapa, kereke e e neng ya laola dithata tsa mmuso mme ya di dirisetsa se e se batlang, segolo bogolo go athlola dithuto tse e ne e re di "boikepo" (tse di ganetsang sekatoliki).** Gore USA e direle sebatana setshwantsho, bothati ba sedumedi bo tshwanetse go laola puso ya bogoromente le gone taolo ya puso e tla dirisiwa ke kereke go diragatsa se e se batlang.

Ke kgelogo mo tumelong e e dirileng gore kereke ya pele e batle thuso ya mebuso ya bogoromente mme se se rethefaditse tsela ya go gola ga Bopapa, e bong "sebatana". Paulo o rile: go tla tla "tenego pele" le go senolwa ga "monna wa boleo" (2 Bathesalonika 2:3-4). **Ka tsela e e tshwanang, kgelogo mo tumelong ya dikereke tsa porotesetente tsa gompieno di thagolela tsela ya go direla sebatana setshwantsho.**

Mo dingwagasomeng tse di fetileng maiteko a dikereke tsa porotesetente a go kopanya ditumelo a oketsegile mo seemong se "kopanong e e dirang kagiso" e sal-

wang morago go gaisa nnete ya Baebele. Dikereke tsa Lutheran World Federation ka go saena "Joint Declaration" (Polelo e e kopanetsweng) le Vatican ka kgwedi ya Diphallane ka 1999 di ne di bolela gore tsoosologo (tlhabolo) ya seporotesetente e ne e le lefela e bile e le lolea. **Bopapa le kgarathelo ya go kopanya dikereke** ga se sepe fa e se kgeloge e kgolo ya semowa e e porofetilweng ke Paulo mo go 2 Bathesalonika.

Fa dikereke tse dikgolo tsa USA di kopana ka dintlha tsa tsone tsa tumelo tse di tshwanang di be di thothotheletsa puso go tihama melao le go etleetsa dikereke tseo, ke gone foo Amerika wa seporotesetente a tla bong a dirile "setshwantsho" sa puso ya Roma, le gone go othaiwa ga baagi ba ba ganang go dirisana mmogo nabo e tla nna phelelo ya seo.

Kwa bofelong, setshwantsho sa sebatana se emetse Seporotesetente se se se batlang kemonokeng ya Puso go patelela dithuto tsa sone.

LOTSHWAO LWA SEBATANA

Sebatana sa dinaka tse pedi (USA) "se patelela botlhe... gore ba bewe lotshwao mo seatleng se segolo kgotsa mo phatleng; le gore go se nne motho ope yo o ka rekgang le fa e le go rekisa, fa e se yo o nang le lotshwao, e bong leina la sebatana, kgotsa palo ya leina la sone." (Tshe. 13:16-17). "Yo o nang le thaloganyo a a bale palo ya sebatana; gonne ke palo ya motho: palo ya sone ke 666" (Tshe. 13:18)

Mona yo o ntseng kwa godimodimo ga thathamano ya maemo a (baganetsa Keresete) Bopapa ke Mopapa ka sebele. **Leina la gagwe la semmuso ke "VICARIUS FILII DEI"** le le rayang "Moemedi wa Morwa Modimo" (Our Sunday Visitor 4-18-1915). Ka Selatini dithhaka dingwe di na le boleng ba dipalo. Dipalo tse di tsamalaenang le dithhaka tsa leina leo la gagwe fa di tihakangwa di supa gore palo ya sebatana ke 666.

VICARIUS FILII DEI		
V.....5	F.....0	D.....500
.....110
C.....100	L.....500
A.....0	I.....11
R.....011
.....111
U.....5531
S.....001
.....112		

(666)

Fa sethlopha se sengwe se tla amogela lotshwao lwa sebatana le go obamela setshwantsho sa sone,

sethlopha se sengwe le sone se a tihalosiwa: ba ke "ba ba bolokang ditaolo tsa Modimo le Tumelo mo go Jesu." (Tshe. 14:12). La bofelo pharologano fa gare ga kobamo ya nnete le e e seng yone e tla amana le go tshhegetsisa ditaolo tsa Modimo. Mo lethlakoreng le lengwe go na le lotshwao/sekano sa Modimo, e bong Sateretaga – Sabata wa taolo ya bone. Mo go le lengwe ke lotshwao lwa sebatana, e bong go itshepisa Sontaga. Bopapa bo kaya itshepiso ya Sontaga e le "lotshwao lwa taolo ya bona" ka gore ka ngwaga ya 364 AD Bopapa bo ne ba fetola Sabata go nna Sontaga (*The Convert's Catechism, P. Geiermann*).

Le fa e le mang yo o tshhegetsang ditaolo jaaka di fetotswe ke Bopapa mme a itse, o tlotla puso eno e e ganetsang Keresete le gone o nna kgathanong le Modimo.

Le fa go ntse jalo, Bakeresete ba bantsi ba dikereke tse di farologaneng ba tshhegetsisa Sontaga, ka ba akanya fa ba tlotla Sabata wa taolo ya bone. Modimo O amogela maikaelelo a bone a ba boamaruri le boikanyego ba bone, ka gonno "Metlha ya bothhokakitso, Modimo O ne wa e tlhokomologa" (Ditiro 17:30). Le fa go ntse jalo, **motsing go tshhegetsisa Sontaga mo Tsamaisong ya Mebuso e Ntšhwa e le jaanong e ntse e gola; e e simologileng kwa Amerika e patelelwa ka molao** – morago ga lefatshe le sena go rutiwa ka maikarabelo a rona a Sabata wa nnete – foo botlhe ba ba tlang melao wa Modimo ba itse, ba tla amogela lotshwao lwa sebatana. Ga ba tihole ba ka amogela tshhegetsiso ya Modimo, mme ba letetse pusoloso ya One le kotlha ya loso lo lo sa khutieng. (Tshe. 14:9-11). Taolo ya bofelo ya go busa batho e sale e logetse maano ka dingwaga ngwaga ke Legkotala Dikereke la Bodišhabatšhaba (WCC) le mebuso e megolo ya lefatshe le Legkotlakapano la Ditšhaba (UN) kwa New York. Maikaelelo ke go dira "Letsatsi la Kobamo la Sontaga" la botlhe le e seng la Baebele jaaka go ikaeletse ke Bopapa le mokgatho wa go kopanya dikereke. Maeto a mantši a ga Mopapa kwa mebusong ya dinaga di sele, mekwalo ya gagwe ya seruti, le maiteko a gagwe ka kakaretso a lefatshe lotlhe, otlhe a netefatsa leano le.



TSHWETSO YA GAGO KE ENG?

Ditragalo le dibetsa tse di dirafalang mo lefats'heng gompieno di tla oketsega go fithela go boa ga ga Keresete. Lefatshe le le bolelo leno le ditiro tsa lone tse di boikepo le tla feta, mme Modimo "O O ratang gore batho botlhe ba ke ba bolokwe, mme ba fitlhe mo kitsong ya boammaaruri". "Gonne Modimo O ratile lefatshe mo go kalokalo, wa ntsha Morwa One yo o tsetsweng a le esi, gore le fa e le mang yo o dumelang mo go Ene a se ka a nyelela, mme a bone botshelo jo bo sa khutieng" (1 Timotheo 2:4; Johane 3:16) Kgathanong le bothhokats'holofelo mo lefats'heng le, Modimo O solofetsa isago e e galalelang go batho ba ba nnieng boikanyego mo go One mo lefats'heng leno: "Gonne, bonang, ke thlola magodimo a maša, le lefatshe le leša; mme dilo tsa pele ga di kitla di gakolgelwa, le fa e le go nna mo mogopolong". "Modimo O tla phimola dikededi tsothe mo mathlong a bone; loso ga lo ne lo thlola lo nna teng, le bohutsana le selelo, le bothoko ga di ne di thlola di nna teng; gonno dilo tsa nthla di fetile... Bonang dilo tsothe Ke di dira seša." (Isaia 65:17; Tshen. 21:4-5). Mafoko a a re fa tshepo ka isago, a fa gape kagiso ya jaanong le pabalesego.

Kat'holo e a feta gone jannong kwa legodimong. Ka bonako jo ope a sa bo itseng dikgetsi tsa bone di tla sekasekiwa. Ka jalo go bothokwa gore motho mongwe le mongwe o tseye tsiya thagiso: "Gompieno fa lo utlwa lentsewa la One, se thatafatseng dipelo tsa lona" (Bahebera 3:7-8). Fa kat'holo ya tshokatsheko e wela, phelelo ya botlhe e tla bo e setse e sweditse – go ya botshelong kgotsa losong. Nako ya mautlwebothoko ya lefatshe e tla fela ka tshoganyetso fela pele ga Keresete a tla ka maru a legodimo.

Jesu Keresete o sule mo mokgorong wa Khalefari a swela boleo ba gago, gore a go bulele tsela ya go tsena mo isagong e e galalelang. Le gompieno o ka nna wa tla kwa go ene ka thapelo, wa ipobola dibe mme wa simolola botshelo jo bošwa jo bo kutlo mo ditaolong tsa One. **Ke gone Keresete a tla nnang mmueledi wa gago mo Kat'holong!**



RLMedia

32 Ceres Str, Comptonville,
Johannesburg, South Africa

www.rlmedia.co.za

+27(0)836254786